

動慎

道生之章第五十一

道生之德畜之物形之勢成之是以萬物莫不尊道而貴德道之尊德之貴夫莫之命而常自然故道生之畜之長之育之成之熟之養之覆之生而不有為而不恃長而不宰是謂立德

死形而尊以出萬有者道无名而貴以育眾生者德千形萬狀巨細雜遝者物往古來今屈伸消長者勢尊其尊貴其貴无所不施无所不被而不自知其所以是謂之至理嗚道生德畜亦何心妙處元无跡可尋更好兩忘尊與貴任他瓦礫

與黃金

道藏輯要

道德真經章句訓頌

辛

心集五
八二八

天下有始章第五十二

天下有始以為天下母既得其母以知其子既知其子復守其母沒身不殆塞其兌閉其門終身不勤開其兌濟其事終身不救見小曰明守柔曰強用其光復歸其明無遺身殃是謂襲常天地之先父母之前有始未始是謂一元為父而母造化出焉知出而復斯神之全神全不雜明光相一外想不入內言不出皎然見之青天白日不造不化奚有乎物知微知彰知柔知剛知用知藏知變知常仙則鼎湖治則陶唐噫其糝糠死而不忘嗚此是朝元第一方頂心直上見虛皇闕旗祭竈

皆成技捉虎擒龍枉發狂

此修鍊頓悟直造者與第五十九章積功累行者雖然入門為異雖